



Broj: 02-04-3-3935-2/24
Goražde, 29.11.2024.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – konkurentski zahtjev za dostavljanje ponuda za nabavku i isporuku kompjuterske opreme za potrebe Grada Goražde, Gradonačelnik Grada Goražda donosi:

O D L U K U

o prihvatanju ponude ponuđača "Drinex" d.o.o. Goražde za lot 2 - Nabavku kamere i ostale kompjuterske opreme

I

Ovom Odlukom se, nakon provedene tenderske procedure za nabavku i isporuku kompjuterske opreme za potrebe Grada Goražde za lot 2 – Nabavka kamere i ostale kompjuterske opreme, prihvata ponuda ponuđača "Drinex" d.o.o. Goražde čija je cijena ponude 2.050,00 KM bez PDV-a

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u postupku javne nabavke.

III

Najkasnije u roku od deset dana od dana prijema odluke ugovornog organa o izboru najpovoljnijeg ponuđača, ugovorni organ će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama.

O b r a z l o ž e n j e

Gradonačelnik Grada Goražda je dana 12.11.2024. godine donio Odluku o pokretanju postupka javne nabavke roba – Nabavka i isporuka kompjuterske opreme za potrebe Grada Goražde broj 02-04-3-3935/24.

Na osnovu navedene odluke objavljeno je Obavještenje o javnoj nabavci na portalu e-nabavke dana 13.11.2024. godine, sažetak obavještenja objavljen u „Službenom glasniku BiH” broj 80/24. Tenderska dokumentacija za ovu nabavku je objavljena takođe na portalu e-nabavke i istu je preuzelo 18 zainteresiranih ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 26.11.2024. godine.

Komisija za provođenje procedure javne nabavke imenovana Rješenjem Gradonačelnika Grada Goražda broj 02-04-3-3935/24 od 12.11.2024. godine dostavila je izvještaj o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za nabavku i isporuku kompjuterske opreme za potrebe Grada Goražde za lot 2 – Nabavka kamere i ostale kompjuterske opreme, ponudu dostavio ponuđač "Drinex" d.o.o. Goražde;
- da dostavljena ponuda ispunjava uslove postavljene tenderom u pogledu formalno pravne ispravnosti, uslove u pogledu lične situacije i sposobnosti za obavljanje profesionalne djelatnosti kao i tehničke i profesionalne sposobnosti ponuđača,
- je dostavljena jedna prihvatljiva ponuda pa u skladu sa članom 3. tačka (3) Pravilnika o uslovima i načinu korištenja e-aukcije, e- aukcija nije zakazana,
- da je ponuda ponuđača „Drinex“ d.o.o. Goražde sa cijenom ponude u iznosu od 2.050,00 KM bez uračunatog PDV-a ocjenjena kao prihvatljiva za ugovorni organ.

Komisija za provođenje postupka javne nabavke za kompjuterske opreme za potrebe Grada Goražde predložila je za lot 2 donošenje Odluke o prihvatanju ponude ponuđača „Drinex“ d.o.o. Goražde budući da je ponuda navedenog ponuđača na osnovu rezultata pregleda i ocjene ponuda, ocjenjena kao prihvatljiva i najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

DOSTAVITI:

1. Ponuđaču
2. web stranica ugovornog organa
3. u spis,
4. a/a

